

雲臥山莊詩集序

客有過余者曰郭京卿死矣烏虜君之名固不死也君
年十二受知龔春溪學使補邑庠弱冠名噪甚與兄筠
伯少寇弟志城觀察號稱三傑舉甲辰鄉試屢見躋於
禮部君旣爲湘鄉相國所心折又重之以婚姻會兵事
起君與筠仙促相國率師東下自是徵兵轉餉君起而
任之一身相國偶遇危疑輒郵函取決方略歲常數百
至君一一還報無失機卒佐成相國平定東南之績而
君固欲然不有其功生平讀書喜流覽治亂興衰之故

與夫山川阨塞古今爭戰之陳蹟手指心畫浩乎有得於其心湘中撫部如花縣銅山厯城陽湖景東諸公心知其賢皆羅而致之幕府所籌畫動中機要姓名遂達九重之知烏虜以君之才與行使其遭時遇主掇魏科馳英蕩爲文學侍從之臣或備位上卿迴翔樞禁當如昌黎韓子所言古人復生未遑多讓卽不然馳騁疆場立功馬上佐相國扶危定傾於焉建專城擁節鉞亦足以遂生前志事顧都不屑意久之退歸田園當事有強之起者弗應則益韜光斂采以自貴重烏虜君固今世

豪傑之士也癸酉甲戌歲余由城徙鄉距君居僅一里
隔歲晚過從笑語移晷出門望斜陽欲殘缺月微露命
奚童扶杖而返率以爲常詰嗣子澗觀察旋以高才碩
學筮仕兩浙迺迎養至武林君以暇游歷靈隱韜光三
天竺諸勝復泛舟至天台雁蕩栖補陀山必造絕頂處
題詩於壁海濤嘯空天光吞吐幾忘人世間有升沈榮
辱之變態三數載告歸見君精神沖淡倍於曩時心知
爲頤性養壽之先兆何圖客冬無疾怛化子澗哀痛不
能以已頃以君遺詩將付手民囑爲校訂且謂宜爲之

序噫君雅不欲以詩名而其爲詩兼備眾體出入東坡
放翁遺山直躋唐賢之室其必傳於後無疑也余與君
交三十餘年矣垂老多病伏處荒江草屋之濱遂與塵
世隔絕回思兩人文字之緣尊酒唱酬之樂親戚故舊
存歿聚散之情如影隨形歷歷在目其能以無慨乎序
君詩爰述其立身行己之大略以荅子澗而因以塞其
悲焉時光緒九年二月年愚弟長沙張啟鵬拜序時年
七十有八

相
雲
巖
經
卷
之
上
續
陽
命
終
兼
統
系
節
慶



噫戲先生參我幕者數十年聞其智
作主路帝者數萬言譽其才一時張駱
傾心曾左比肩而不弋高爵收炎賚此何謂
哉蓋深識夫功成身退不戀又其塞以與
時紆回宜其哲兄令子闕闕宏恢人言郭
侯相許吾以汾陽相推富貴壽考天不
靳于公而公則生有自來楚湘春香英非先生
其誰與歸世愚姪會稽陶方琦謹贊



雲臥山莊詩集目錄

卷首

遺像 像贊

墓志銘

神道碑銘

祠堂碑

家傳

卷一

杜公亭晚眺

新康道中

車中偶成

贈江岷樵

忠源

卽以誌別

曉過沙河

邯鄲

虎牢

昆陽

南陽望臥龍岡有感

同諸君文昌閣看荷花用伯兄韻

江岷樵兄見過喜賦

雜詩

寄伯兄新化

題劉霞仙

蓉

雙松圖便面卽以贈別

送馮樹堂

卓懷

入都兼簡會學士

國藩

漫興

重修婁烈愍公墓戴秀才

開浚

邀同人祭奠有詩

見示次韻三首

題僧鶴慵款冬室詩集

安化道中

高平雜感

縣齋不寐聞笛用漁洋山人夜泊江口聞笛寄兄

韻奉簡伯兄兼示季弟

時俱客江西

陳廣文

之弼

邀同胡廣文

光琪

曾秀才

毓芳

遊北

壇卽飲承恩祠中還登城南水晶閣壁間讀伯兄
去歲題詩感賦長句

曾秀才見和遊北壇詩疊韻奉答

懷人詩五首

湘鄉曾學士 國藩

湘鄉羅秀才 澤南

新甯江孝廉 忠源

湘鄉劉隱君 蓉

長沙馮孝廉 卓懷

胡雲璈 屺瞻圖

卷二

四朝泉歌爲胡潤之作

重遊北埕遇雨示同遊諸君兼寄伯兄江西

重過白馬市見刈稻已了偶作述懷

游南村呈鄧湘皋年丈顯鶴卽壽其七十

出都

平原道中聞歌

襄城旅店次壁間韻

萬樓觴月歌卽送陳懿叔學受廣尊溥昆仲之黔

中

對月有懷成五絕句

秋感五首

爲李明府題畫四首

退思圖

海鶴圖

春山策杖圖

秋江風雨圖

喜胡廣文

光琪

見過卽送其之長沙兼懷新化諸

君子

黎秀才讀書圖

書曹秀才

珂

遺集後

葉明府

維藩

梅花冊子次伯兄韻

苦雨歎

岸花亭小集次陳刺史韻

叔和弟寄示疊餞春韻八首弟素未從事吟咏喜其遂能成章又念予與伯兄終歲奔馳不獲自相師友感成一律

遣興疊前韻

古詩

舟中雜感疊前流字韻

寄懷劉秀才蓉二十四韻

贈園丁

次韻荅歐陽秀才勳

出門二首

舟中阻雨寂坐無憀用伯兄重陽日拈一年年覺
惜重陽韻作詩七首

滄上行

江霧

題畫山水

題畫

壬子八月以避亂挈眷入山道經高華嶺回憶十
年前過此曾題詩亭中今字已磨滅詩亦幾欲忘
之惟起二語尙約略可記感歲月之易邁念時事
之方艱因取前聯足成八韻

聞稽秀才將之無錫寄送二律

似聞

聞長沙解嚴賊分道西竄感賦一首同伯兄作

簡稽秀才

絕句

感事九首

擾攘

山居雜咏

武昌旅寓次韻寄伯兄江西

卷三

甲寅立春日作

哭江中丞

簡周太學

開錫

卽次其贈家伯兄韻

雲臥山莊雜詠

東山

周磔

檀灣

栗坡

天上峯

蝦蟆石

鳴玉瀨

藤花隴

邀月磴

南岡

新園坳

雲谷

韻弦林

迴風峽

印泉

眺湘崖

濤澗

西嶺

由波容菴下張砭訪家千戶六兄循螺洞登斗嶺
而歸

避世

秋日早起登東山因下檀灣觀刈稻

秋夜

秋日述懷寄伯兄寶慶

近聞

喜家太學五叔至

奉簡羅羅山 澤南

周太學 開錫 將轉餉從軍寄示畱贈舍弟詩並索

和章將以覘山人志趣所在也疊韻荅之

雨後西嶺采蕨

寄毛廣文 英卓寶慶

題陳堯農員外 本欽 碧湘老屋八變圖

題畫紅梅

湯浯菴羣山秋霽圖

鄧小芸廣文雪堂聽雨圖

簡趙君靖

君靖屬爲點定詩集承以長句見詒次韻奉答

題君靖詩集卽次其見題拙作原韻

送趙君靖之官零陽卽題其北游詩集

九月向盡黃花未開費春海明經以詠菊二律見示次韻奉答

自長沙告歸畱別共事諸子

舟行次秣生韻

湘潭舟中望萬樓有懷戊申舊游

發昭潭遇雨次秣生韻

不寐疊前韻

對月次秣生韻

空舡崖用杜工部韻

早發疊前韻

舟中有感疊前韻

三樟市次秣生韻

衡山縣

出衡山縣城途中望嶽疊空舡崖韻

祝聖寺

謁衡嶽廟

半山亭

丹霞寺

南天門

祝融峯

觀音巖

不語崖

會仙橋

上封寺僧金山索子書聯拈禪室欣陪遠公語名
山舊許鄴侯來十四字應之卽用聯語足成一律
以贈

祝融峯觀日出

下山

衡嶽後山耶壑重疊竹樹青蔥風景絕勝隨意所
造遂忘遠近夜宿景泗書院前臨馬跡橋朱張二
先生經行處也

黑沙潭

方廣寺

石澗潭寺

自石澗潭循山麓下馬跡橋

山行

自荷葉村赴永豐

下灘

江口

湘鄉縣

筒車聯句

題龍樹棠詩集

奉送惲次山中丞歸常州一百韻

游衡嶽歸龍樹棠以詩來訊游蹤卽用其韻答之

卷四

論詩答龍樹棠卽次其韻

笙陔叔見和去歲長沙畱別詩並示元日試筆疊韻之作次前韻奉簡

四十四初度龍樹棠以詩爲壽次韻述懷兼酬樹棠

題賀潤山明府石城送別圖卷用卷中羅研究生舍
人韻

題鄒春笙比部遺集

題鄒諮山廣文所藏先世太僕公會試硃卷

述懷

月生別後見寄一首疊韻奉答

志城弟四十一生日伯兄舉坡頽故事賦詩爲壽次

韻二首一呈伯兄一壽志城

寄壽笙陔叔四十疊前韻

奉次伯兄粵東留別詩韻四首

題彭彥深觀察洋中遺詩冊卽用其韻

有感疊伯兄留別詩韻

伯兄五十疊前韻爲壽

自長沙乘月夜歸途中有作卽寄曾劫剛公子黃
子壽方伯竝訊黃南坡方伯劉霞仙中丞兼懷闈
中諸子

重過洄溪渡有感

次韻荅費春海司馬九日登高之作

長沙送稽月生廣文還零陽

贈費春海司馬

寄懷趙君靖廣文慈利

客中書懷疊送別稽月生韻兼寄月生

春日有感再疊送別稽月生韻

初度書懷

寄張小野大令

本光

題歐陽坦齋師遺像

題裕時卿方伯晚涼看洗馬圖

題張石林貳尹柏石圖小照

題熊秋白農部詩集

題讀樹秋根圖示兒子慶藩

歲暮寄懷李梧莊丈

慶藩以小冊求書爲雜錄古近體詩并賦此示之
題畫

陳生

作霖

就予請業以詩爲贅次韻示之

自荷葉山莊入城途中偶作八絕句

聞援黔官軍失利黃劭坤廉訪鄧星陔觀察羅伯

宜太守榮楚珩軍門竝及於難感賦二首

次韻酬金眉生都轉枉過畱飲見贈之作

眉生以詩柬伯兄未有見及語兼索和章次韻四首

贈龍樹棠

周昌輔茂才見示秋日遊嶽麓述懷詩次韻二首

題周湘屏明經

天保

草綠窗詩集

許蓮峯見示辰沅道中各詩賦此奉贈

歸途雜詠

謝烈婦

九日同周昌輔茂才集飲伯兄宅卽席有作

書感

題趙斐卿澗江三友圖

謝事還家畱別同事諸君子疊書感韻

自城回鄉途中有作

經荒塚下作

有引

贈許廉風上舍卽次其寄藩兒詩韻

感事疊前韻

卷五

春晚敬展 先塋感成一律

羅研究生舍人新授芷江學博有詩述懷戲次其韻
陳程初遊戎邀同許星槎太守湯斐齋成靜齋兩
明府集飲舟中因偕登嶽麓山歸途遇雨有作

贈姚舸丞明經

舸奎

幽居

聽雨有感

觀園丁移置花木

率兒輩觀鄉人賽神

次韻石珊書感之作卽呈石珊

雜感四首疊前韻

詠史四首

石珊見示羅雲汀丈遺集感題二首

庚午六月西水盛漲瀕湖隄坑瀆盡感而有作

龍樹棠以詩來問西水南水源流作此示之

檢書笥得 生祖吉皆公 叔祖葵臣公及 先

大夫遺詩石珊爲選入羅湘騷雅續集感賦一首

同黎照琨司馬入城途中有作

次韻金眉生都轉庚秋雜感四首

極目

秋懷疊前韻酬龍樹堂

南望

感事

同石珊登東嶺晚眺

題張太岳集

聞九月二十九夜長沙湘潭同時大火

贈劉晤樵

瑀

聞鴈

朔風二首送石珊歸里

入城三首

窗前有芭蕉

歲暮雜感

飲羅研生舍人寓齋研生見示其邑先輩紅梅唱和詩刻原唱五首次韻和者至三十人蓋其盛也時紅梅適開研生欲續先輩故事追次其韻邀予

同作

龍潭山謁李真人廟

龍樹棠寄詩爲壽俯仰身世有感於中次韻卻寄
江水深一首奉次金眉生都轉用東坡竹枝歌韻
見懷之作

平反

以君山茶奠黃南坡方伯因成二詩

游李太守園林

資陽行

長沙感舊十絕句

自省城夜歸數十里桔槔之聲不斷時亢旱逾月
田禾欲槁

漫興

久旱得雨農家樂甚已而大雨連日田穀半已生
芽雨勢猶絲絲未止也用省城夜歸韻二首

張石林通守以素心蘭見貽報之以詩

垂楊四首

藩兒權鹽常德於其行爲詩示之

羅慎齋先生重宴鹿鳴圖爲羅研究生舍人題

眉生都轉用東坡聚星堂雪韻爲詩相唱酬書來
索和次韻二首奉簡

眉生寄示消夏雜詩感事抒懷次韻四首卻寄

秋感疊前韻

題魏默深舍人古微堂詩集

送許星槎太守歸武昌兼簡其弟蓮峯孝廉

卷六

板橋曉發

金眉生易笏山黃子壽諸君各次杜老秋興韻殊
事別趣意各有屬要所感會其致一也冬日寂坐
心有所懷同作八首

壽龍樹棠六十

有感四首

桃源文石

歲暮寄懷羅研究生舍人

寄衡唐叔岳州

冬日山村卽景

壬申元日

飲鄰人楊氏宅

庭院

去歲以詩壽龍樹棠六十樹棠既次韻見和頃復
疊韻爲余五十壽敘次余平生所以推獎之者甚
至循誦喟然疊韻卻答

五十初度書感

蘇垞道中

三月二十三日與笠臣奉邀楊海琴觀察

翰

孫閩

青刺史

第培

李次青廉訪

元度

何鏡海觀察

應祺

暨研生南屏暝菴史亭及家伯兄絜園展禊以此
地有崇山峻嶺茂林修竹爲韻分得嶺字

南屏見示遊嶽麓詩次韻一首

羅星垣游戎

德煌

邀同研生次青笠臣游嶽麓卽

會飲舟中疊南屏前游詩韻

南屏疊韻見和自誇前游三疊韻調之

會飲何鏡海宅卽事呈鏡海及同座諸君

壽海琴次南屏韻

歸途有懷會垣諸君子

太傅會文正公挽詞

對雨有作

題蕭菊友茂才脫帽看詩圖

南屏見示游書堂山詩戲作奉簡

大雨經旬西舍堵圮感而成詩

簡李宣伯衡州兼寄訊李竹屋教授

題余月潭明府士鏡騎牛入關圖

九日同諸君天心閣登高推梓湖翁爲詩社長梓

翁有鑒於壁間之訾點題句遜謝不肯首唱戲作
調之兼呈同游諸君

伯兄與梓湖翁旋俱有登高之作各次韻一首

石重甫師鑄用毛西垣九日詩韻補作天心閣登

高詩次韻二首兼懷眉生

寄懷眉生卽次其移居詩韻

恬園曉望畱別宇恬嶽船昆仲

九峯變過訪山居投詩見贈次韻四首

天井山訪任芝田司馬卽畱飲井山草堂歸時日

已晡矣

晚行

點檢藏書陳生

霖

爲余編次書目

寄懷蕭稚生

潘見以詩呈閱書三絕句示之

以縮臨蘭亭拓本詒馮樹堂樹堂賦長句見酬次

韻奉荅

樹堂詩來適予初度俯仰身世有慨於中疊前韻

書感

題馮樹堂重遊萬川圖

重遊李太守陶然園

守墨一首次馮樹堂韻

題王鴈峯太守同年楷詩集

歸途經黃子恆觀察濟殯所感而有作

贈吳南屏舍人

南屏扶病至長沙云與知好作別予感其言爲四詩廣之

吳南屏舍人挽詞三首

卷七

示藩護兩兒

九日有感

奉簡彭雪琴宮保卽次其九日雨中坐愛晚亭見

懷原韻

題芋園清讌圖

冬日雨後山行

飢禽

題楊伯昂明府

激雲

所藏先世書畫遺冊

過松竹山房畱贈龍樹棠

題冒小山通守沅枕戈錄

登白魚歧塏極目有感

白魚歧守風

由白魚歧放舟至岳陽

寄湯斐齋明府臨湘

岳陽樓

同張蔗泉登呂仙亭

螺山

黃鶴樓

與焦山寺僧芥航索東冷泉水

金眉生都轉以詩約爲西湖之游次韻奉荅

題石似梅三世遺澤卷

湖上小集次眉生韻

上巳日金眉生都轉秦澹如觀察邀同臬園修禊
以落花芝蓋楊柳春旗茂林修竹流觴曲水十六
字分韻賦詩予分得落字

眉生邀同出清波門遊淨慈理安厯九溪十八

日

循江路至雲栖寺還登江船會飲至夜午始歸

同眉生游獨山

秦澹如觀察招飲

秦陪楊石泉中丞小飲湖舫

由雲林寺登韜光鍊丹臺

葛嶺

杭州二十首

九峯交書來問杭州山水兼訊遊蹤作此代簡

端園

言民上言集
目錄
無隱菴

虞山破山寺用常少府韻

錢唐觀潮歌

次韻眉生杭游述懷卽以送別

至嘉善訪眉生先之以詩疊前韻

滬上送伯兄出使海西疊前韻

滬上旅寓爲舍弟五十壽時伯兄奉使出洋弟亦

旋回湖南暫聚復別黯然有懷次眉生贈舍弟韻

梅根居士寄示九日獨游天心閣遇雨詩疊韻卻

寄

彭雪琴宮保見示和黃恕皆侍郎元日對雪疊韻

詩奉同二首

贈雪琴宮保疊前韻

贈恕皆侍郎疊前韻

率江甥芾生至三潭印月訪雪琴宮保適楊石泉

中丞希贊臣將軍黃恕皆侍郎黃芑巖軍門唐藝

農廉訪先後並集會飲樂甚與贊臣恕皆芑巖藝

農同舟而歸卽事疊前韻

丁次谷邀同唐羣之及兒壻輩泛舟遊雲栖寺歸
途遇風城門已鍵因宿舟中

半山看桃花

上巳日風雨未能舉禊事感念舊游悵然有作

奉送楊石泉中丞解官回湘鄉

奉送彭雪琴宮保巡閱長江水師

重遊柯巖

山陰道中

餘姚有懷王文成公

雪竇紀遊

卷八

黃芴巖軍門邀游天童夜宿僧寮次日復至育王
宮觀舍利塔

送左仲茗司馬之浙東次蔡公重送別詩韻

八月十八夜夢與六幸翁在滬上唱和二律僅記
第一首中四語因足成之

題惲季文公子雲圃讀書圖

簡眉生卽次其寄兒子慶藩韻

寄懷彭雪琴宮保疊歲首對雪詩韻

寄懷丁次谷司馬

題泥中吟

戊寅人日大雪奉同胡月樵觀察鳳丹應敏齋廉

訪寶時馮鐵華太守譽駟宗湘文太守源瀚陳槐

亭明府鍾英繆堅士部郎鞏小集秦澹如觀察細

業寓中月樵有詩次韻四首

眉生寄示偶園鐙讌詩次韻奉寄

題眉生花海四游圖冊

吼山

新昌道中

天台華頂山寺

石梁瀑布

台州東湖

黃巖縣

老僧巖

靈峯洞

淨名寺次壁間朱文定公韻

寒臥山莊詩集

目錄

寒臥山莊詩集
寒臥山莊詩集

聽詩安

龍鼻洞

大龍湫

出雁山迴憶山中各石異態殊形佳處不可悉數
爲二詩紀之

芙蓉村與蔣鼎臣江浣秋張月坡三君別各贈一
律

温州江心寺

發處州

度桃花嶺宿鐵金關

嚴子陵釣臺

自温州泝甌江度栝蒼至永康泛舟下蘭谿渡富
春江回杭州

錄游山各詩寄梓丞竝係一律

自浙還湘翰舟弟有詩見懷次韻四首

偕諸君浩園登高限韻賦詩二首

臘八日絜園小集次袁子文韻

予文疊韻見贈竝推獎藩兒甚媿其意亦疊韻奉

答

冬曉偶成次朱香蓀韻

大雪次曹潤生韻

展外家先塋有感

題船齋

己卯九日奉陪諸君訪賈太傅故宅登天心閣因
預尊行社越月復會飲定王臺張笠臣有詩次韻

二首

次韻贈陳文學

立秋有感次韻酬陳船齋

重過馬坨鋪有感兼懷羅研生舍人

次韻荅陳船齋

旅店

湘鄉縣

過劉忠壯故宅

黑田鋪古榭用陳簡齋曉發榭木韻

雙清亭

愛蓮池謁周元公祠

蔗園看菊畱贈謝筠士廣文

姚庶侯廣文招飲卽席賦贈

至新甯江氏翕園哭芾甥兼示季女

辛巳三月三日頤園修禊

題南嶽圖

張笠臣爲彭雪琴繪江南別意圖奉題三首

辛巳九月十日笠臣補作重九伯兄與香蓀先日

各有詩次韻二首

初十日之集香蓀復用杜韻爲詩奉同一首

戲集禊序字壽胡貳尹六十

卷末

行述

雲臥山莊詩集目錄終

男慶

藩護

孫男本

圭堅

恭校字

誥授通議大夫

晉封榮祿大夫 賞戴花翎三品頂戴四品京堂內閣
中書郭君墓志銘

平江李元度撰文

君諱崑燾字仲毅一字意城晚自號樗叟湘陰郭氏曾
祖諱熊貢生祖諱世遵廩生本生祖諱詮世優增生考
諱家彪議敘八品職三世皆 贈光祿大夫曾祖妣羅
祖妣 旌表節孝張本生祖妣張妣張皆 贈一品夫
人君生有宿慧甫二歲能識字指而示之其對亦以指

七歲能屬文十二歲與兄兵部左侍郎嵩燾同補弟子
員時侍郎縣試冠其軍比試學院君納卷最先學使龔
公維琳戲之曰得毋阿兄代作乎君請試他題援筆立
就龔驚異之又九年舉道光二十四年鄉試偕計入都
主湘鄉曾文正公君故與羅忠節澤南劉撫部蓉善至
是交馮觀察卓懷江忠烈忠源相與講求經世之學嘗
考取官學教習非其好也咸豐壬子嶺西盜熾圍長沙
巡撫張公亮基甫視事聘今大學士恪靖侯左公宗棠
入幕主軍政復禮君掌機宜文字兼籌兵食徵義堂者

瀏陽奸民周國愚等假團練集眾蓄逆謀十餘年矣張公檄江忠烈帥所部假道赴岳州實陰察匪狀忠烈廉得實五上書請勦張公皆報可令某養癰久思禍及嚙指血飛書辨徵義堂非賊張公頗爲所動君力持前議得不變旣而忠烈進次賊竟出犯敗之禽其渠散脅從數千亂遂定張公權督兩湖君與左公從時羽檄蠶午竟夕不能休張公手軍符授二君曰君等計議定卽行無事關白也會粵逆李開方竄宋埠夜半警報至君曰賊偵我無備故擁至宜出不意急擊之遲無及矣乃夜

服安危利病及其地勢險夷將帥賢否君皆往來心目
中算無遺策用能以一隅力措大局天下陰被其賜而
不知迨金陵旣拔又念欠餉數百萬苦心籌措以備文
正凱撤之資尋卽奉身以退同治丁卯巡撫劉公崐至
強起君入戎幕易置將領苗亂卒平旣平而君復辭歸
矣曾文正屢辟君從征君躬送至江西而反其以義爲
去就如此晚年就養浙中游天台雁宕四明雪竇普陀
諸名勝畱題殆徧居數年倦歸築小園日哦其中工詩
古文辭及四體書箸雲臥山莊詩集二十卷文存二卷

尺牘八卷初以軍功擢國子監助教晉內閣中書加五
品銜累晉四品京堂三品頂戴 特旨賞戴花翎又以
子慶藩官 覃恩誥封榮祿大夫卒於光緒八年十月
二十九日享年六十夫人盛氏子慶藩廩貢生軍功洊
保花翎知府發浙江歷保補用道加二品頂戴次慶蓉
候選同知出爲從弟開南後次慶護縣學生兩淮候補
鹽經歷女六存者三雲南升用知府丁卯舉人舒運昌
廣東候補知府一等輕車都尉兼一雲騎尉癸酉拔貢
江孝棠候選知府黃爲焯其壻也孫七人女孫四人葬

長沙大賢都樞植塘山乾首吳趾銘曰

功在天下而名不居名在天下而身不出其廬走檄者
皋耶而事異元瑜持籌者晏耶而術則敬輿若潛若見
亦俠亦儒矢其勤劬時局以蘇烏虜歛歛勩在形徂我
銘幽墟以永終譽

誥授通議大夫

晉封榮祿大夫三品頂戴四品京堂郭公神道碑銘

長沙王先謙撰文

公諱崑燾元名先梓字仲毅意城其自號也晚更號樗
叟湘陰郭氏曾祖熊貢生祖世遵廩膳生本生祖詮世
優增生考家彪議敘八品三世皆贈光祿大夫妣皆一
品太夫人公兄弟三人長前兵部左侍郎嵩燾次公次
貴州候補道崙燾皆負時名公及侍郎尤早達以文章
器識並重海內侍郎以名進士入翰林供奉 內廷而

公方盛年會試再黜輒絕意科舉侍郎洊歷封疆爲
天子大臣持節數萬里外而公優游幕府屢辭薦剡足
不出里門心不以顯仕爲樂侍郎慷慨喜論事剖析當
否必窮物情而公終日恂恂不見涯際至於天性篤厚
接人以誠操筆落紙累數千言弗窮肆應推揚賢善如
不及規畫當世之務發微洞遠若著蔡之於卜筮罔不
同也公年十二有神童之目與侍郎同補弟子員覆試
投卷學使見公幼謂曰得非汝兄所爲邪公請試他題
就案起草立成學使歎奇之至長沙與羅忠節公澤南

劉公蓉友善究心儒先性理書年二十以優增生中式
道光甲辰 恩科舉人入都與侍郎同主曾文正公國
藩學益進咸豐二年壬子粵寇圍長沙巡撫張公亮基
梯城入守卽延今大學士恪靖侯左公宗棠暨公入幕
府左公主軍政文檄函牘調發兵食多主之公張公移
督湖廣復延公及左公往張公左遷則皆辭歸又皆爲
巡撫駱文忠公秉章禮聘贊戎政權商稅兵食大充左
公奉 命督師公實始終綜理駱公入川毛公鴻賓憚
公世臨繼之皆倚公以辦是時湖南兵出四援南兩粵

西蜀滇黔東豫章浙閩而曾公東征召募飛輓無虛日
一根本湖南時其緩急應機立濟輯和將帥屏扞疆圉
躬任不疑沛然釐然退若無事雖大吏屢易任專於公
數千里外血脈貫輸事會靡滯故公晏處閭里其勛澤
常在天下粵寇平公辭幕府劉公岷撫湖南以援黔剿
苗復延公贊畫黔苗平遂辭不出惟 聖清用法制齊
壹宇內鄉里措紳以安靜守己自繩無敢與公事取謗
戾及東南大亂湖湘豪俊挺奮忠義節鉞背望矛戟芻
粟於是焉取資非邦之大賢不足以信疆吏管事樞聯

洽眾志故公與左公乘時戡亂樹聲桑梓開二百餘年
未有之局亦遭其勢而然也然當時左公中飛語爲總
督所齟齬幾蹈不測禍而公和平遜順不有成勞雍容
進退以義自飭故當其任無危機竟其事無遺議可謂
善自處矣光緒元年乙亥公子慶藩官浙江迎公就養
大江南北暨浙東西名山勝蹟遊覽都徧益雄於詩踰
數年歸以光緒八年壬午十月二十九日卒享年六十
始公迭卻大吏奏薦強而後受由國子監助教晉內閣
中書四品京堂加三品頂戴 特旨賞花翎著有雲臥

山莊詩集二十卷文集二卷尺牘八卷夫人同邑盛氏
子三慶藩優廩貢生二品頂戴浙江補用道慶蓉候選
同知出後從父慶護縣學生五品頂戴兩淮候補鹽經
歷女六三適士族其三殤孫男七本源本常本彊本文
本墀俱殤本堅候選縣丞本堯五品銜候選兵馬司副
指揮孫女四某年月日葬某原慶藩泣請表公墓道迺
爲銘曰

皇宇熾豐巨奸煽粵孰扼其吭以翦狂孽地靈孕鍾騰
衡蹕湘眾力合治遂銷寇鉅峩峩羣帥奮張威略居中

權衡時維左郭二妙入幕如堦叶箎左總師干繫公獨
治千里赴機一以坐照軍書紛拏大府坐嘯區寓再奠
澹遺世榮眾取不取高名無名羣賢交推 九重褒美
不朽有三何必貴仕孰固吾圉歷久或忘我銘公勛以
詔吾鄉

郭意城先生祠堂碑

善化李 楨撰文

湘陰郭意城先生既歿之明年安厝長沙大賢都樗植塘山其嗣子慶藩慶護卽兆所卜建祠堂以祀先生祠成升主大祭族姍咸會執事有恪既事退休於庭庶顧麗牲之碑不當無文慶藩以屬楨楨惟自古勛伐炳史冊者類皆都顯位隆枋用然後能奮其才智以樹鴻濟之業幸而主臣一德終始倚畀則雖欲乞身以退而勢不可得山林隱逸不樂仕進節雖峻無裨於世漢張畱

侯唐李鄴侯進退裕如世高其風以爲罕儷若夫以荐紳之士而預封圻轄鉅之寄運籌帷幄偕靖大難海寓旣謚超然高蹈以守其素天子不得臣諸侯不得賓近古以來蓋未有如先生者也先生負明幹有爲之才尤練達兵略咸豐二年粵寇圍長沙銅山張公來撫湘先後聘今相國左侯暨先生參軍事先生力請揃瀏陽徵義堂匪民以除肘腋之害張公權督兩湖復偕左公佐之大燔竄賊於鵝公頸湖北賴以安張公移撫山東與左公辭歸巡撫駱文忠公復禮賓焉左公出督師先生

畱主幙府繼連佐厯城毛公陽湖惲公當是時曾文正
公旣倡義東討湘人士競起治軍旅召募餽餉一仰資
湖南援師歲四出土盜內訌外寇環覩而躪扞禦無虛
日財用大匱先生一身綜畫其間權商以助軍食而市
賈不擾周悉地形扼塞料敵奇中遴選將領知人善任
所向有功身不越鄉門而東南半壁安危日懸於心目
時其緩急以相振濟羽書旁午手批口荅咸協機宜措
拄逾十年卒夷大憝後復佐景東劉公討平黔苗世皆
多諸將帥戡刈之功而不知先生偉謀奇策所運量者

宏也或謂先生誠善籌軍然非大府推誠委寄勿貳勿
疑或掣其肘用其私智亦安能盡先生之才哉不知天
方佑 聖清成中興之烈 先帝寵任文正諸賢以總
師盪寇湘中大吏亦知虛己尊奉先生泯其猜嫌而化
其畛域又簡邦之才俊彙進效用通上下之情使弗閔
一時蒸爲風會故人爭思奮而事無不舉至以湖南一
隅繫天下盛衰先生未居一日之位而澤暨區夏皆天
也然亦豈非人哉先生生平不志榮利屢卻疏薦涵養
粹和與物無迕寇旣平辭歸徜徉山水間嘯歌賦詩陶

然自得卒年六十致之禮以勞定國能禦大災捍大患
者皆應祀典先生去軍幕久人事遷易無能旌其功一
請於 朝而俎豆之墓所登斯堂者幸山川之無恙追
思劇亂所以平應歎先生籌筆之功有必不可忘者時
方多故外患滋熾而先生不可作矣然事變雖百出終
待人以救之聞先生之風者其亦有所興起也夫謹揭
其大略而系以詩先生諱崑燾道光甲辰 恩科舉人
內閣中書積功累四品京堂三品頂戴 特旨賞戴花
翎 誥授通議大夫以子慶藩官 晉封榮祿大夫其

詞曰

粵盜披猖踰嶺南犯穴有江東獸駭魚爛天誅暫稽橫
流遐漫湘鄉仗鉞楚傑雲從眾力于原疇畫于邦先生
儷左久賓臺府瀏有奸頑密請討捕贊戎鄂北扼殲寇
逋先生尸謀二患以紓匪謀獨臧惟識則勝繼返南轅
卒專戎政內固封圉外急同仇大寮仰成視公愉憂密
勿籌策從容談笑用兼五官犀剖鏡照初聞算緡商旅
大恐不任吏胥而以士董舳舻千里輸粟江淮駿功耆
定先生所階功成讓爵還臥廬里去就豈輕壹本道揆

六翮眾奮淵潛自珍冲夷淡定大暮歸神新祠兆東旣
飭旣恤齊莊孝嗣祇薦黍稷千秋景行眡此磻泐

仲弟樗安家傳

兄嵩燾謨文

君湘陰郭氏名崑燾字意城晚自號樗安生二歲母張太夫人教之識字所攜玩具一破硯及諸斷縑碎簡不隨羣兒嬉弄年十二補郡學生又九年舉於鄉其文固已斐然傑出於時而性簡重檢束繩尺不苟言笑咸豐元年詔舉孝廉方正邑之人皆曰是惟君宜時居父光祿公及太夫人喪涕泣拒之更舉今相國左公明年廣西賊圍長沙巡撫銅山張公召君與左公主軍事自

是以身任安危二十餘年張公移督武昌賊始棄城東
下掇拾瓦礫支木爲居公私埽地以盡城無居人於時
巡撫駱文忠公方伯澈浦嚴公廉訪江忠烈公稱盛一
時每日夕會事督署明日某治某事某治某事君操筆
記其事以授所司明日日夕報聞則更議所事以爲常
興廢舉敝日新月盛張公每夕手擊總督關防以屬左
公及君曰軍情緩急眉睫間耳有發先行而後告李開
方擾懷慶自河南折而南夜半得報急調兵會鵝公頸
驟與賊遇賊出不意大擾亂斬李開方殲其軍報至張

公始知賊之分馳北竄者於是燿馬君嘗以自喜言稍
逾時使賊徐行出平地害可勝言哉張公自任天下之
重而任人尤信不疑雖在危難日忻忻以樂也張公旋
調撫山東罷歸語君吾在兩湖得君二人爲助以有成
功山東求一人不得是以無成賂文忠公移撫湖南曾
文正公奉命合水陸之師東征軍資所出一倚左公
及君營辦左公旋亦治師浙江君內簡軍實外籌天下
大局援江援鄂援皖援浙援粵援滇援黔援蜀征兵四
出隨事緩急聞警輒赴凡軍行山川險要策應遲速及

將帥能否高下審事量敵受成於心惟所指發應弦赴
節每軍出轉餉數千里遠輸近委未嘗有匱君一以任
之自湖南始被兵訖粵匪之滅十餘年以一省之力支
拄東南大勢君之力爲多君名能知人察幾觀變自守
尤嚴涇縣翟公權撫事旬日君急引歸遣官四五輩就
家強起之君辭益堅吾問曰此其禮隆意勤不可少屈
乎君曰矯亂者持其敝辰沅道請保防邊八百人嚴斥
其濫翟公曰無然我爲正之比具摺增加至九百人是
且爲無畦町吾亦與爲無畦町無甯已矣其後厯城毛

公至君旦入治公牘夜常就宿釐局日治釐吾事也吾
言日夕僕僕自苦何爲君曰吾得進退自由無顯去之
迹亦所以全交也其於駱文忠公陽湖惲公景東劉公
二十年訢合無間視君所爲若出其身君亦視所治事
若治其私蓋君才志足以濟世宏務寬明仁恕不立崖
岸要其心求利國家不以利己介然之節未嘗一日苟
安其身多人所不知者由舉人保國子監助教內閣中
書至四品卿加三品銜 賞戴花翎皆祕不使君知君
知輒乙去曰吾自度不任仕宦多受 國恩非所安也

江南平卽辭去景東劉公討貴州苗力起君苗將平又
辭去軍興有成勞又在事久名蹟顯異莫逾君而敘功
莫儉於君其行誼未知視古人何如要可謂性之安者
矣年六十以無疾終其葬也平江李次青方伯銘其墓
長沙王逸梧祭酒又爲碑文樹之墓道載君行事甚詳
嵩燾因撫拾君之軼事有關大節及天下所以盛衰別
爲之傳藏於家其文章志行施之家而推惠鄉里爲時
所傳誦不備述焉